

Maki Naña Pol Siria Pa Pan Li Nalelagaena Wa Lala Nae Garu KOLOSI Visayuena Na Tusi Nene

Kom̄pasnen sunienas plas na tusi nini

Kolosi naga pupia pulkumali tai na lepas nae Esia naña nanua sumo na mēke vatanon Parin Suñe keviu nae Rom. Pulkumali nene sike e purvanua naña nagane kiena kia Teki. Pulkumali nene mēke yepasnen pulkumali tañena naña Episas e lepas naña mrae molue ke komea. A maki nini Pol siria pan yaru na sumare lala nae yo nene. Pol pe siar re sumare nae Kolosi poli, ana pulkumali nene sike lavisin Episas, naña pupia pulkumali na lepas nene, naña Pol miyumiae ke e silaga. Pogos naña Pol sike garu Episas, naga mligan plan ke kiena yaru lala apa amlologon ke lologena wo e yo lala na lepas nene, a Kolosi naga tai naña mēke e yo la nene. Ana komin suri ne nanene, Pol pisu sane yumäena na visuaren yo nene Kolosi naga mēna sike e limana.

Pol mloge visena tai asape navianiena lala na sumare nene, asumä apisa ke asape yaru lala monar alotun ga yerkawa lala a nasumonena kiena yermare lala, vena akilia ruru Ntewa, a vena akilia atol maliena naña pulen suri makega. A apiyan ke yaru lala, asape monar ataveve

navisaluaena marua e lepas na kinaniena, a suri tañena si lañasa, a monar ave ñaviu vena atol malienia.

Ana Pol siri maki nini vena visaluñparen sitomiena viowa la ne sanene, a pisawal visena lelaga kiena Yesu Kristo pan la. Purñesnen sitomena naña pisa na sanini, sape Yesu Kristo naga taaga kilia la malienia naña ulen suri makega van ita, a vianena viowa la nene asumña aþere plan yaru lala aþure matania. Kristo miyumñaen yumñaena kiena Ntewa na sien yomarava nini, a naga miyumñae kiena Ntewa vena wereplan si yaru la aimi ea. Yaru monar sikol naga e Kristo vena kilia tol malena, a pe mrapa tañena re si poli. Pisina siraunia, Pol pisawal panila e suri la naña akilia atol e kiela malienia komin naña amleлага e Yesu, a naña asikol la ruru amio naga.

Pol mla maki nene pan yaru tai kien kia Tikikas vena la va van li naleлагаena la garu Kolosi. Tikikas nene, naga yaru mña nena naña lalua Onesimñas apano, naga mla Onesimñas ñasuñe si pa kiena yo. Sunienia nene sike e maki kiena Pol naña pitetalia pa puna Pilimon.

Komñpasnen tusi la na nini

Visena ñesa 1:1-8

Pelaga kiena Kristo, a kiena yumñaena 1:9—2:19

Malena viu e Kristo 2:20—4:6

Visena maro 4:7-18

Pol siar kiena visena

¹⁻² Inu Pol, naña in na yaru nalologena kiena ne Kristo Yesu naña Ntewa naga mligan inu, a

nekekara naña nevitawe amiu e mäki nini, naña nesiria pimäsu pan amiu li naleлагаena wa lala nae Kolosi, naña amiu punu ga ape kiau wolai lala a vineu lala e Kristo, naña asumña apiawa märera e naga. In na nemio Timote, naña naga sike amio inu, imimi lua memlen mesape ñisi na lemamien a sumärena kienan ne Arimata Ntewa sike amio amiu.

Pol pisa potena pan Ntewa vanon la

³ A silaga e kiamimi leniena lala, imimi lua mepisa potena pan Ntewa Arimana ne kieta Supe, Yesu Kristo, vanon amiu. ⁴ Naga nene vanon naña imimi lua mekekaran amiu pañisi, naña visena tol imimi sape kam na asumña apiawa ke märera e Yesu Kristo, a asumña sinemiu sii manene ke mëna li naleлагаena taþena lala. ⁵ Pelaga wo nene naga sumña molue ke ga e kiamiu malena lala komin naña sinemiu manene naña ñisi na akilia atol suri wo la naña Ntewa mligan ruru sike ma e peni vena ve kiamiu. Suri wo la ne sanene, amloge lologena wo pisaar pan amiu ñisi rui. ⁶ Visena lelaga nene pimi pun amiu ñisi rui, a nagane, sumña pa vanua manene ke mëna ga e yo taþena lala e yomarava nini narui. Sumña pava ke sanene, ana sumña kapuru a sumña þar ke mëna ga mras la naña powo, torokin ke naña kila pan amiu e ke e pogos naña amloge þesania, naña apisu kilale sane lemamien a kienan ne Ntewa e ita naga keviu a lelaga pañisi. ⁷ Sur la nene Eþapþras naga pian amiu e rui, pogos naña naga kus lelemimi imimi lua, ana naga

pimi pisawal ūesan lologena wo nene pan amiu. Naga pe yaru tai naña imimi memiyumāe ke lele taaga, a naga masusun yumāena wo lala kienā ne Kristo. Imimi mekekaran naga pāpisi,
⁸ a nanagane, naga ūasupe si pimi pun imimi rui, mla lologena wo tai pan imimi, naña pisayu sanape naña kiamiu malena lala sumā pule luen ga e pupia sinesiiena naña Ninuna Wa mla pan amiu.

⁹ Komin sur nene, pogos naña imimi lua memloge visena nene kienā Epāpras, memlen wo amiu silaga pimi tol nagane, a mesumā mepiun ke tan Ntewa mesape ūisi na Ninuna Wa la manmaruaena a nakiliaena wo lala van amiu, vena akilia ruru nasinenanena wo punu ga kienā ne Ntewa. ¹⁰ Ve sanene, ūisi na yoko akilia ayal mesmesu e mrapa napo naña popon yeririna kienā kieta Supe la ayal ea, a ūisi na akilia akila naña naga kilia kekaran make kiamiu ūelaga punu ga. A yoko mras wo lala kilia imi mālivi e kiamiu malena lala a e mēna ga e kiamiu yumāena lala, a ūisi na kiamiu kiliaena e Ntewa kilia va merorol manenea. ¹¹ Imimi lua memlen mesape ūisi na pupia puriukawaena kienā ne Ntewa sumā kila amiu mēna ga amārera, vena akilia asumñalar amiu e pog mārera, a vena kiamiu sitomiena ve piavi, a akekara ga e pog la ne sanene. ¹² Ita na monar tevisa potena va Arimata, naña kila ita mēna ga temio li naleлагаena wa tapena lala, tekilia tokus lalimana loyumā e kienā nasuñenena na yomerarava nena, ¹³ komin naga ūrelua ita rui petan māreraena na yemalolo, ana naga mlen

plan ruru ita tepa e nasuñenena kiena ne narina nene, naña naga kekaran naga pañisi. ¹⁴ Ore, Ntewa naga ñerelua ita ñisi rui, naña piewo ita komin kieta mlamulena viowa lala.

Kristo pe ñarun yo yau wetelu

¹⁵ Narina nene, naga Kristo nene, naña naga pe nono tai naña tekilia tevisuia, naga kiena ne Ntewa naña tañatete tevisu naga, naña naga pe ñearun make suru la punu ga naña Ntewa sii la.

¹⁶ E ga e Kristo nene, Ntewa sii make sur punu ga,
naña ma e peni a e yomarava,
naña tekilia tevisuia a naña tañatete tekilia tevisuia,
amio sur la naña apisuar ke yo yau, sa naña ñarin suñe lala, namñareraena lala,
yerkawa lala, a navisi lala.

Ntewa sii make suria e Kristo,
a Ntewa sii make suria pe kiena ne Kristo.

¹⁷ Kristo naga sike pa sumon sur tañena la rui,
a naga mligan ruru make sur la nene, asumña amiyumæe ruru ga e lelela.

¹⁸ Kristo pe purþes nen malena kiena nalotena,
a naga pe ñarin lotena nene, sa naña lotena nene
naga pe tasnena.

Naga sumon þes yaru la naña amal sina e
marena,
ana sanene naga kila sane nanagane naga sike
laa metavan make sur tañena lala.

¹⁹ Kristo to metavan make sur la sanene, komin
naña Ntewa tamñan kiena naurarena sike e

naga, sa naña kiena malena wetelu a kiena
namñareraena sike ea.

20 E ke e Kristo nene na wa, Ntewa ñpar ke sina
ga sur nae ma e peni amio yomarava nini
awasuþe ke sina ga vania.

Naga kila yo yau wetelu kilia imi ve mara wo ke
sina ga amio naga, nanene e ga e tana ne
Kristo naña mlau e laki torovia.

Amiu ave marawo ke sina ga amio Ntewa

21 Nanua sumo, kam na ape wolawa ga, a asike
laa perinan Ntewa, a ape kiena nasinekar ga,
komin kiamicu sitomena viowa a kiamicu þelaga
viowa lala. **22** Ana nanagane, naña Kristo pimi
pe yaru sane ita, kiena marena kila ita teve mara
wo ke sina ga temio Ntewa. Ntewa kila sanene,
vena kilia were amiu aimi puna naña ave yar wa
kemua lelaga, a ayekiki ruru wo, a naña ve sur
viowa re nena tai teke e amiu. **23** Ana nanene
na kilia ve sanene, visae asumalu ga mñarera ase
Kristo, a visae amlelaga ke e naga wa. Popon
amiu ve auresun amiun re naña auarar manene
lelagaena e navisaarena lala kiena ne Ntewa,
monar alelaga sane yoko naga monar la sur punu
ga van amiu naña amloge rui e nalologena wo
nene, naña yeririna na yomarava la amloge rui,
naña inu Pol in na nepe yaru na lologonena.

Pol miyumæe mñarera komin li nalelagaena lala

24 Nanagane nemloge piowa e tasneu komin
amiu, ana in na nekekara ga ea. Nanene naga sa
naña nesumña nemiyumæen sur na loge viowaena
make ga e tasneu, naña Kristo naga mliganar

inu vena nowaria, sa naña naga þar þisi rui, vena neiila þegas nen li naleлагаena lala vena asumalu märera. ²⁵ Ntewa mligan inu vena neimi ve sa yaru na yumñaena tai na þegas nen li naleлагаena lala, a nagane nekilia neiila amiu e yumñaena nene naña Ntewa mligan e lumñau, nanene vena nevisawal kienas visena va yeririna lala vena akilia make ga. ²⁶ Kienas visena nene sane visena tai naña nakonua konua rui, tapoloun ga e yermarua lala, naña la pe akilia re nenaga, ana nanagane Ntewa kila pimi merarava pan kienas li naleлагаena wa lala. ²⁷ Kienas sitomena naga pe na kilaen sanene narui, sane visena nene naña kienas yeririna la naña le Yu lala, la pe amloge kilale re poli, ana þisi na naga visawal kana sur nowo ne lala, naña po manene laa, va la naña pe ape le Yu re poli. ?A visen tapolou nene pisa ya? Naga pisa sanini narui, pisape Kristo naga kilia sumña e losinemiu lala, a amiu akilia alelaga asape þisi na Kristo naga kilia kila amiu akilia asikol Ntewa e kienas malena wo nae ma e peni.

²⁸ Imimi lua mesumña memlologon ke Kristo ne nanene narui pan yeririna lala, mesumña mepisa ke pan la mepisape la monar avisuar ruru la, a mesumña mepian la ke e manmaruaena lala. A visae laþasia naña kiela sitomena lala a kiela lelagaraena lala marua ruru wo, la akilia aimi asumalu amio imimi lua e marana ne Ntewa. ²⁹ Nesumña nemiyumñae ke märera paþisi komin sur ne nanene, ana silaga nesumña nemiyumñae ke e pupia namäreraena nene naña Kristo naga kokonia inu ea.

2*Monar amiu alelaga m̄arera e Kristo*

¹ Ee, naga sa naña nepisa ne, naña nesumña nemiyumñae m̄arera komin amiu, a komin m̄ena ga la naña nae Laotisia a amio m̄ena ga yeririna tañena lala naña la pe apisuli re marau pogos tai poli wa. ² Sineun nesape nekila kiela sitomena sumālu m̄arera sumña ga, a vena kiela sinesienā lala kilia sikol ruru sinela lala la aimi ave taaga. Sineun manene nesape p̄isi na la atol pupia nakilia wanen suri nene naña sumo na la pe akilia re poli, naña naga Kristo ke narui, ana p̄isi na kiela sitomena lala ve veve lua re sina. ³ Naga nene komin naña e Kristo, yeririna lala la akilia alual sur la naña powo na manmaruaena amio na kiliaena kiena ne Ntewa, naña naga p̄arwania sumña ga e Kristo.

⁴ Nesumña nepisa ke visena nene pan amiu, vena tañatete yeririna lala akila gola kiki van amiu vano-o aure kiamiu sitomena lala va ve tañena, e kiela visokanena na manmaruaena lala. ⁵ Nepis sanene pan amiu komin naña nesitom manene amiu pañisi. Pe sur korena ga naña tasneu sike laa perinan amiu, ana silaga kiau sitomena sike amio amiu. Ana nekekaran manene amiu m̄ena ga, naña nemloge asape amiu na pe asu re ga sanene poli, ana asumña amiyumñae mesmesu ruruia, a asumña apa veraga aþasine ke Kristo m̄arera.

Kieta malena monar sumālu se Kristo

⁶ Komin naña ita tokus Kristo Yesu naga pe kieta Suþe rui, silaga monar teyal ga e naga, ⁷ a

naga monar ve sa naña ŝelgas nen kieta malena, pona yumña na kieta malena monar sumalu su metava e naga. Ve sanene, kieta naviaawaena e naga kilia imi märera laa sane silaga, sa naña apian ita e ŝisi rui. Ana silaga, monar tevisa luen ga potena vania.

⁸ Ana amiu monar avisuar ruruia vena ŝisi na taþatete yeririna lala aimi aviar amiu e visena la naña taveve ga namanmaruaena kienane yeririna, pona navianena la naña pulen ga nakiliaena na yomarava nini. Visena korena la nene pe navisokanena ga, a la amolue ga kome sitomena marua kienane yeririna lala, a la amolue e lepas kienane yermare lala amio kimi lala, ana la pe amolue re e Kristo poli.

Kristo naga pe ŝparin sur punu ga

⁹ Ntewa naga mligan kienane malena amio kienane namäreraena make ga sike e tasnena ne yeririna nene naña Kristo, ¹⁰ naña naga pe ŝparin sur la punu ga, a naga su metavan namäreraena taþena lala. A e ŝelaga ma nenaga nene, Ntewa mligan kienane sur tanea lala asike e kiamiu malena lala, amiu naña asike e Kristo. ¹¹ Ana komin naña amiu asike e Kristo, naga te plan ŝelaga viowa lala a sitomena viowa lala vetan amiu, sa naña naga kila ŝaviu e amiu, ana pe nepisa re ŝaviu nene naña yaru la asumña akila ke poli, nepisa ke ŝaviu taþena tai naña Kristo naga kila, sa naña naga ŝpar plan napiowaena lala e kiamiu malena. ¹² A pogos naña la akee amiu, naga sa naña Ntewa sin amiu amio Kristo,

a naga kila amiu amal m̄ena ga amio Kristo, naga nene komin naña amiu apasine namareraena keviu nene kiena ne Ntewa naña kila Kristo mali sina ga e marena rui. ¹³ Ana amiu la nene, nanua sumo Ntewa pisu amiu sa ga naña kiamiu mlamulena piowa lala kila amiu amare pa rui. Amiu na pe ape p̄aviu re sane le Yu la poli, ana Ntewa pisu amiu sa naña kiamiu malena pe pe p̄aviu re m̄ena ga poli, sa naña kiamiu malena pe pilon ruru re poli wa, a p̄elaga viowa lala sike e amiu wa. Ana nagane, naña asikol amiu amio Kristo, Ntewa mla malena viu pan amiu p̄isi. Ita tetol malena viu nene komin naña Ntewa na piewo ita vanon kieta mlamulena piowa lala, ¹⁴ a naga miyumu plan kieta lapui la rui. Nanua sumo, lapui la nene la asike e tus nene naña navisaluaena m̄arera kiena ne Ntewa sike ea, naña la apiar ita pañisi, ana Ntewa mlalua sur la nene. Amio kana tus ne lala, sa naña sane suar make ga e laki torovia amio Kristo, ana pe lapui re si la nene poli. ¹⁵ E laki torovia nene, Kristo taulu sur tañena la naña puriula m̄arera, a naga kilaro nena namareraena kiena ne yermare lala, sa naña naga taulu la e pupia mara tai, ana naga kila kiena nasinekar la nene aimi ave sur korena ga e marata ita yeririna lala, vena ve tesitom re si tevisave la ato laa metava.

Kristo naga pe p̄arimiū

¹⁶ Visae ve sa nene, amiu na monar ve atamān re yaru tai visaluñpar amiu visave ve akan re suri nene, ponā ve amun suri re nene. A amiu na

monar ve atamān re naña yaru tai mñareran amiu vena ataveve kiela ñelaga marua lala e lepas na sur sane legiena wa la na kasa, pona e lepas nen ñapägena na kupario viu, pona e lepas na legiena na olua. ¹⁷ Navisaluaena la ne sanene, yeririna lala la apisa vena akilali naña alual mrapa naña mesmesu, ana la sa ga ninun sur ga naña naga pimi ñarpo re yo poli wa, ana purþes nen sur lelaga punu ga, naga Kristo ga. ¹⁸ Yeririna la ñasia asumña ga naña la asitom ke asape la apo manene taulu amiu, komin naña la apisu sur la moki e kiela mñenien a lala, ana la asitom ke asape la akilia manene e lepas nen navisi lala. Ana asitom ke asape la apo, akila kiela sitomena lala sike ga tano yo, taulu yeririna taþena lala, ana peraga, la nene la sa ga keriko. La asumña apilave ga e kiela visena lala, naña la apisayu manene laa ke sina ga paþisi, ana kiela sitomena lala pulen ga vilaveena amio kiela sitomena korena taþena laþasia, vano vano-o tol naña la asumña amieluar la ke sina ga. Ve sanene, amiu ve atamān re si la nene aliþere amiu avisave amiu na pe atol re sur nene poli wa naña la asike e þisi rui, ¹⁹ komin naña la nene la amligan Kristo þisi rui, la pe apuarar ruru re si naga mñarera poli sa naña naga pe ñarila. Ana Kristo naga sumña ñuarar ruru ke ga la naña la sane komþas nen tasnena, a naga sumña pagan ruru la, sumña kawe mesmesun ruru kilamerpu amio kana kowiu lala, ana tasnena naga sumña miyumñae po a sumña kapuru po sa naña Ntewa naga sinenania.

Amiu na atol malena viu e Kristo

²⁰ Inu nekilia nesape sa naña Kristo naga mare nanua sumo rui, amiu mëna ga amare amio naga, kila naña e lepas na ñelaga viowa, amiu amare e ñisi rui, a pe pon re si ñelaga viowa imi tol kiamicu malena poli. A Kristo naga ñurelua amiu mëna ga rui e märeraena na sitomena nasumo lala na yomarava nini, amio kieno yermare lala. Sanene narui, sineun nesape neviun tan amiu sanini: ?Sanape asumña amialoro ke sa naña amiu ape yaru na yomarava ke ga wa? ?A komin ya ne amiu asumña amlogear ke navisaluaena marua la naña apian e sumo, naña la apisa apisape: ²¹ “Amiu ve auarar re sur nene,” pona “Amiu ve amunli re sur nene,” pona “Amiu ve atol re sur nene.” ²²⁻²³ Ana pe lelaga naña yaru la amloge visena la nene, ana la asitom asape navisaluaena la ne sanene ape manmarua ruru po, ana navisaluaena la nene la amolue ga kome sitomena kieno ne yar lala, la pe ape lelaga re poli e vianena kieno Kristo. La apisayu ga sur na yomarava la nini, sa naña kinanena, pona sur na munena, ana sur la nene tañatete iila amiu, a la tañatete mëna ga akila kare kiamicu malena, komin naña visae olavia pona oyumñaenia, ñisi na sur la nene yokorena akokovio.

Pona yaru la apisirilua visaluaena la nene vena akilali yumñaenia wo lañas yo, naña la apisa apisa yaru monar len sanene pona sanene, a pona la apisa apisa yaru monar ligon kieno sitomieno su ga tano sanene pona sanene, a pona la apisa apisa yaru monar kilali naña kawe

ruru tasnena sanene pona sanene e sur la naña
märera pan naga.

Ana nevisa van amiu, sane visaluaena la ne
sanene, la pe puriula märera re nena poli vena
suwoen sitomena viowa lala a ñelaga viowa la
naña sike e los nen yaru.

3

Malena naña mekiki ruru po a pe wa ruru nenaga

¹ Amiu la nene, Ntewa naga pisirlua amiu amal
sina ga e marena amio Kristo, ana sanene na
monar apionli ga sur la naña nae ma e peni, e
yo nene naña Kristo naga tomña tano e lepas nen
Ntewa na ñamarua. ² Amiu na monar asitorñal
ga sur lala nae e yo nene, ve asitom re si sur na
yomarava la nini, ³ komin naña sane amare e ñisi
rui. Nanagane kiamic malena viu naga tapolou
amio Kristo e Ntewa, ⁴ komin naña Kristo pe
purþes nen kieta malena nagane, ana suraunia,
e pogos naña naga kate e maran yeririna lala,
yoko ita mëna ga takate temio naga e kienapupia
naurarena.

Kiamic malena na sumo monar ñisi

⁵ Amiu na monar awe plan punu ga ñelaga
lala na yomarava nini e kiamic malena lala,
sane natapaena lau, sur na mawaena lala, nasi-
nenanena viowa lala, nakekaranen mlamulena
viowa, a navinavinayaena mëna ga. Ñelaga
la nene piyowa ga, a navinavinayaena nene,
naga sa naña yaru kila sane sur la naña naga
sinenan manene laa pañisi apimi sa naña kienapupia

ntewa taþena lala. ⁶ Komin þelaga ne la nanene narui, Ntewa sinena mimi pap̄isi, ana kienalipereena naga sumā pimi ke pan la naþa la pe amlogear re naga poli. ⁷ Sumo na, kiamiu malena sa ke nene narui, naþa amiu amiyal ke ga e þelaga la nene, ⁸ ana nagane, pogos na liganen þelaga la nene, pogos na sur la nene ap̄isi e kiamiu malena lala. Ve sanene, amiu taþatete sinemiu mimi, a taþatete avis kapuru va yaru taþena, a taþatete asumā ave erau viowa van amiu. Pisi na taþatete avismumun yar taþena, a ve avisa re visena la naþa pe kororaki. ⁹ A ve avisa kotalia amiu re m̄ena ga, nanene komin naþa amiu na amlalua þelaga marua naþa apaeme amio naga p̄isi rui, ¹⁰ a amiu na amiyen þelaga viu tai e amiu, sa naþa malena viu tai naþa Ntewa naga siia pe kiamiu. A pogos punu ga, Ntewa naga sumā kila ke malena nene pimi pe urviu ke sina ga, vena kila amiu akilia ruru kemua naga lelaga, a vena kila amiu aimi laa ve sa naþa ave kienatotou. ¹¹ Komin sur ne la na nene, ita na ve telipere re si yaru lala, sa naþa tevisave laþasia ape le Yu, ana laþasia ape li na yo taþena ga lala, pona laþasia la ape þaviu, ana laþasia pe ape þaviu re poli, pona laþasia la ape suþe, ana laþasia ape li nayumñaena kienane suþe ga lala. A ita na ve tevisa re m̄ena ga tevisave yaru laþasia la apian ruru la ana akilia suria, a laþasia ape yer ura ga, pe akilia re sur tai poli. Ana pupia suri taaga ga naþa tekilia tevisuvisu yaru ea, tevisave naga mleлага

e Kristo pona ve lelaga re, komin Kristo naga sike e sur punu ga a e yar punu ga.

Amiu aligan malena viu nene e amiu

¹² Pogaga, sa naña Ntewa naga sinenan manene amiu papisi, ana naga ligan amiu vena ave kiena yeririna wa lala, monar ayen pelaga viu nene e amiu sa naña naga sinenan. Pelaga viu nene naga sa naña sur la nene asike e kiamiu malena, sa naña nasineyeena yaru, nasinewoena, navatanoena, namomauena, a namalumena. ¹³ Amiu na monar ve sinemiu kar amiu re vilaga, a visae amiu yar ve lua, sur tai sike likan lalua nene, pisi na monar avieweo lalua. Ana monar amiu avieweo amiu, e ke e pelaga nene naña kiesta Supe naga piewo amiu. ¹⁴ Ana amio pelaga wo ta pena la nene naña monar ayenia, monar ayen mëna sitomena e amiu, komin sitomena naga kilia sikol ruru pelaga wo la nene vena la ayumae ruru ve raaga, vena la aimi ave taaga. ¹⁵ Pisi na sumare naña Kristo naga mligania naga kilia visuar sinemiu lala, komin naña Ntewa naga piopran amiu vena ave taaga, naña amiu punu ga asikol ruru amiu amio naga e pegas tai naña naga pe parunia, vena silaga sumare nene kilia su luen ga amio amiu. A silaga avisa potena e sur punu ga.

¹⁶ A visena wo kiena ne Kristo, silaga naga monar imi sa naña mali e sinemiu wetelu, komin naña kiena visena la nene naga po tanea wa. Amiu monar asumä avian amiu ea, a amiu ga asumä akila ruru amiu ke sina ga e kiena

manmaruaena wo lala. A popon asumña ayau va Ntewa e sam lala, a yauena wa lala, a e yauena lala na yeluaren Ntewa, ana e pogos naña asumña ayau ke sanene, pisi na sinemiu la punu ga ulen visaen potena vania. ¹⁷ Sur punu ga naña amiu akila, a visena punu ga naña avisa, ana monar akila e kia kiena ne Yesu, naña kieta Supe, a pogos punu ga na monar avisa potena kome naga va Ntewa Arimata.

Malena viu kienan yaru lala

¹⁸ Amiu sira lala naña atalopa rui, monar avatano e womiu lala, sa naña mesmesun naña sira naña mleлага naga kila.

¹⁹ A amiu yermene la naña atalopa, monar asitom manene womiu lala, a kiamiu pelaga lala monar ve melkalka manene re silaga van la.

²⁰ Amiu sisi lala, monar alogear arimamiu lala amio anemiu lala, komin naña kieta Supe naga kekaran pelaga nene pañisi.

²¹ A amiu arimala lala a anela lala, pisi na sinemiu lala ve vilul re va narimiу la silaga, komin naña visae ve sanene, akila kare la, akila kiela sitomiena lala loloru.

Supe lala a kiela yar na yumñaena lala

²² Amiu yar punu ga na yumñaena kienan ne supé lala, silaga monar alogear kiamiu yerkawa la nene. Pisi na ve akila re sanene e ga e pogos naña la asike amio amiu, vena akilali naña la akekaran amiu, ana silaga monar ayumnae

3:18 Epis 5:22; 1Pit 3:1 **3:19** Epis 5:25; 1Pit 3:7 **3:20** Epis 6:1 **3:21** Epis 6:4 **3:22** Epis 6:5-8

naña kiamiu sitomena la ve lelaga make ga, sa naña e yumñaena nene, asumña amlogear ke kieta Supe silaga. ²³ E yumñaena ya naña amiakila, monar akila naña akekarania, sa ke naña asumña amiyumñae kienan ne Supe, pe kienan yaru re ga la poli. ²⁴ Popon asitomāl sa naña Supe ke nene narui pisi na naga la kienan lalimana van amiakila, sa naña naga pul amiakila, komin yerkawa ruru napo naña ayumñae vania, naga Supe Kristo. ²⁵ Ana yaru naña sumña kila ke pe mesmesu re poli, pisi na naga kilia la maran ke sina ga vanon kienan napiowaena nene lala, komin Ntewa pisuveve yumñaena kienan ne yar la punu ga mesmesu ga.

4

¹ Ana yerkawa lala, amiakila mëna ga monar akila mesmesu ruru wo va yaru lala e kiamiu yumñaena lala, komin naña amiakila mëna ga kiamiu Supe tai sike ma e peni naña pisi na naga lipere kiamiu pelaga lala.

Pol naga pian la

² Amiakila monar amärera e leniena pogos punu ga, a monar alen naña asitom ruru e sur la naña avisa e leniena, a naña kiamiu sitomena lala naga sumña pisa ke potena pan Ntewa. ³ Sineun mëna ga nesape monar alen wo imimi, vena pisi na Ntewa vike kiamimi mrappa mekilia melologon sur wo nene naña sumo na tapolou, naña visena kienan ne Kristo, naña nanagane na nesike e lokap vanonia. ⁴ Awis, sineun nesape alen naña pisi na nekilia nevisi wo, vena kila

visena la nene merarava, sa naña mesmesun ga naña yoko monar nekila. ⁵ E ūelaga la nene naña asumña akila ke e maran yar la naña la pe amlelaga re e Kristo poli, monar ave manmarua wo vena akilia ataveve kiamiu pulmas lala, vena aurela aimi e Kristo. ⁶ Amiu na monar avis ruru amio la, e ga e visena lala naña nasinewo a kiki, ana la aloe visena la nene aloe wo, a monar akilia mrapa na visatamēlaena visae aviuun naviunena kar ga lala e lepas na kiamiu viawaena.

Pol mligan yaru la lua apa pula

⁷⁻⁸ Kieta wolai wo nene Tikikas, naña naga sike amio inu, ūisi na neligan naga la māki nene imāsu pun amiu vena visawal van amiu visave imimi mesike sanape, vena akilia aloe wo. Nekekaran manene kieta wolai nene pañisi, naña pogos punu ga naga māreran naña iila inu e yumāena kiena ne Supe. ⁹ A kieta wolai tapēna naña erau wo nene Onesimās, naga mēna ga ūisi na taveve Tikikas imāsu pun amiu. Onesimās naga nae ga kiamiu yo, a naga mēna ga sumā mlelaga ke e Kristo. Lalua nene ūisi na avisawal van amiu, e sur la punu ga naña kakate ke e yo nini.

Visena maro kienā ne Pol pan la

¹⁰⁻¹¹ Aristakas naña naga sike e lokap amio inu, a Mak nene naña naga wenla Panañas, a Sisas naña apio naga Sastas, la telu nene apisape asitom amiu pañisi. Mak nene, kana visena pimāsu tol amiu pa rui, a pisape visae naga

imi kome lepas nen yo na pun amiu, monar akekarania vena aure naga sukol amiu.

E le Israel la naña amleлага e Kristo pisi rui, la ga telu nene amio inu, imimi memiyumñaen ke yumñaena nasuñenena kiena ne Ntewa, a la telu nene la amiila inu keviu pañisi rui e pogos märera lala. ¹² Epañras nene naña naga mëna ga amiu kiamiu yar tai, naga pe yar wo tai na yumñaena kiena ne Kristo Yesu, a naga mëna ga pisa pokolulagi pona pokolemalو pan amiu, pisape silaga naga sumña mlenwo amiu ke märera pañisi, vena akilia asumalu märera, vena amarua ruruia e Kristo sane keyowo, a vena asumña amarera naña akila ga sur la naña Ntewa sinenania. ¹³ Sineun nesape nevisa mesmesun van amiu, nevisave yar naña Epañras naga sumña miyumñae märera manene pañisi komin amiu, a komin le Laotisia lala, a le Erapolisi mëna ga lala. ¹⁴ Kieta erau wo nene, naña Tokta Luk, amio kieta wolai tañena nene Timas, la mëna lua asikena a llua apisa apisape llua na asumña asitom amiu pañisi.

¹⁵ Sineun nesape aligan kiau visena van kieta wolai lala a vineta lala nae Laotisia, amio sira nene Nemeva amio ñegas nen naleлагаena lala naña asumña apiora ke e mëana yumña, avisave in na nesumña nesitom la ke pañisi. ¹⁶ Ana yoko pogos naña amiu aulo kiau mäki nene pisi, awis sineun nesape aligan van le Laotisia lala, vena auloia van ñegas nen li naleлагаena lala e yo

4:12 Kolosi 1:7; Pilimon 1:23 **4:14** 2Tim 4:11; Pilimon 1:24,
2Tim 4:10; Pilimon 1:24

nene, a monar aulo m̄ena ga kiau m̄aki tap̄ena nene naþa þisi na le Laotisia lala la aligan imi van amiu. ¹⁷ A kiau visena tai naga va Akiþas, nesape “Ko ovisuar ruru yumñaena nene naþa Suþe naga mligan e lumom̄a, monar okila make ruru yumñaena nene.”

¹⁸ Ana nanagane, nelalua kilamemego e limana ne yar na sirien m̄aki, ana inu ga Pol, nesiri kiau visena maro nini van amiu e ga e lumau, nevisa pokolulagi pona pokolemalo van amiu. Amiu ve sinemiu þesan re sen la naþa apiar manene inu ke ne, a lemamiena kiena ne Ntewa sike make e amiu.

Inu, Pol.

**Lologena Wo Kienane Yesu Kristo Kome
Kewo**

**The New Testament in the Lewo Language of Epi
Island, Vanuatu**

**Le Nouveau Testament en Lewo langue de l'île d'Épi
au Vanuatu — Niutestamen long Lewo lanwis, blong
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 11 Nov 2022 from source files dated 22 Nov 2019
ee028e1c-7e53-571d-8041-681daaf580e8